

Protocol no. 70Sezzüda da gövgia, als 11 lügl 2013 19.00 – 22.00

Preschaints: Albert Mayer, Andri Poo, Men Caviezel, Dumeng Jann, Marianne Werro-Lehmann e Marco Fallet (protocol)

Protocol

Il protocol no. 69 da la sezzüda da lündeschdi, als 1. lügl 2013 vain approvà.

624 021 FABRICA
Helen Stricker, Archas; collecturs per aua choda

La dumonda ais statta publichada. La documainta ais avantman in möd cumplet. Seguond la chüra da monumaints nu sta inguotta cunter l'intent da fabrica. Il permiss da fabrica vain concess.

625 021 FABRICA
Cla Sarott, Sala; abitaziun sül palantschin cun lucarnas

Il patrun da fabrica ha adattà ils plans e documainta a las prescripziuns da la ledscha da fabrica. Ils plans e las masüras correspuondan e la dumonda ais statta publichada. La piazza da parcar bsögnaivla ais existentia, causa chi's tratta d'ün ingrondimaint da l'abitaziun. L'object ha da gnir inscrit sco prüm'abitaziun. Il Cussagl conced' il permiss da fabrica.

626 021 FABRICA
Curdin Horber, Plazetta; isolaziun externa chasa existentia

Pella chas'existentia nu d'eira amo gnü concess il permiss, uschè cha la dumonda ais uossa gnüd'inoltrada. Quella ais statta publichada. Il Cussagl conced' il permiss da fabrica.

627 021 FABRICA
Barbla Buchli, Avant Baselgia; isolaziun externa, müdamaints

La dumond'ais statta publichada. La documainta ais cumpletta. Il plan culla conferma dal vaschin ais avantman. Il Cussagl conced' il permiss da fabrica.

628 021 FABRICA
Jonas Rickli, Saranschasch; isolaziun externa

La documaint'ais avantman in möd cumplet. La dumonda ais statta publichada. Il Cussagl conced' il permiss da fabrica.

631 021 FABRICA
Cumün da Sent, Piazza Avant Baselgia;

Il Cussagl prevezza da refer ed imbellir la piazza davant la Baselgia. Davart da la cumischiun da fabrica ais la fatschenda in uorden. Avant co cuntinuar culla fatschenda decid'il Cussagl da salvar üna visita oculara cul perit, Johannes Florin.

632 021 FABRICA
Tina Maria Ritz, Tufera; suottet entrada chasa d'abitar

La documaint'ais avantman in möd cumplet. La cumischiun ha trattà la fatschenda e sün proposta da quella decid'il Cussagl d'inoltrar la dumonda in sen positiv a l'uffizi chantunal pel proceder dal BAB.

633 021 FABRICA
Thomas Schöpfer; chasa d'abitar, Flüs

A regard alchünas divergenzas constatadas a chaschun da la collaudaziun dal fabricat decid'il Cussagl da salvar ün aboccamaint cul partrun da fabrica.

634 790.501 Proget planisaziun cumünala
Proceder dal proget

Orientaziun a la populaziun

Il schef da planisaziun, Dumeng Jann, propuona, da plazzar si'orientaziun datt'a la radunanza cumünala eir i'l Mas-chlalch. Il Cussagl va d'accord in chosa.

Prolungaziun per permiss da fabrica, concess avant als 1. schner 2013

Davart da l'uffizi per il svilup dal territori chantunal sco eir davart quel federal vain surdat als cumüns ün fögl d'orientaziun e da cussagliaziun a regard proceder pertoccant prolungaziun da permiss da fabrica, chi sun gnüts concess avant ils 1. schner 2013.

Il Cussagl as sto uossa far ponderaziuns e sclerir in che möd, chi dess gnir agi. Finalmaing sto el lura trar üna decisiun.

635 700.315.02 Mantegnimaint dal provedimaint d'aua
Funtanas in Uina

Il schef dal dicasteri, vicecapo, Andri Poo, orientescha, cha seguond üna controlla da l'uffizi chantunal ston gnir fats divers adattamaints, pustüt eir ils vierchels, chi nu correspuondan plü a las prescripziuns. Davart la Neovac ais avantman ün'offerta da fr. 16'840.00. Pro vain la lavur davart dal cumün vi da la via - Chant da la Mola per evitar, cha l'aua cula sülla via. Ultra da quai sto la la saiv gnir refatta.

Il Cussagl deliberesch'il credit bsögnaivel da fr. 22'000.00 our dal preventiv.

636 700.315.02 Mantegnimaint dal provedimaint d'aua
Ruottadüra da la lingia pro la turbina a Sur En

Il vicecapo e cusglier dal dicasteri, Andri Poo, orientescha sur da la situaziun, sur da las masüras, chi's ha trat e sur da las lavuors da reparatura chi stan avant. Id ais da quintar cun ca. 1 eivna fin cha quellas saran conclusas. Cuosts nu sun pel mumaint amo cuntschaints, causa chi ha stuvü gnir reagi subit.

637 Diversas schefs

Installaziun da duos tablas dal lö

La cusglia dal dicasteri, Marianne Werro, mett'in discussiun schi nu's vulesch tscherner ün lö sül territori da Sent e na da Scuol. Il Cussagl riv'a la conclusiun cha plü bain visibla füss la tabla sül territori da Scuol in vicinanza da l'ospidal Engiadina Bassa. M. Werro sclerischa quai uossa via TESSVM cul cumün da Scuol.

Sistem da sauaziun

Il cusglia dal dicasteri, Men Caviezel, manzuna, cha l'indriz da sauaziun, chi ha subi divers dons, sto gnir sgürà resp. chi sto gnir examinà, scha quai saja subi. In oter cas dess quai amo gnir tut davo.

Plazzar veiculs sün terrain cumünal

Men Caviezel orientescha, cha schi's vuol metter la controlla (decisiun da proibir il plazzamaint da veiculs sün terrain cumünal), suot la pulizia chantunala, bsögna quella la decidiun dal Cussagl, dimena cha quel ha decis sur da quel scumond.

638 Orientaziuns

Barat d'infuormaziuns TESSVM

Il termin sto gnir inoltrà pro cumün e na da mincha singul cusglia. Uschè decid'il Cussagl pel termin da lündeschdi, als 22 lügl 2013 a las 20.00h.

54avel Ski Meeting interbancario Europeo 2014

Quel evenimaint ha lö minch'on, dal 2014, davo 9 ons darcheu in Svizra e quai a Scuol. Var 1200 partecipants saran da la partida. Sco organisatur e partenari figüra la Banca Chantunala Grischuna ed il TESSVM SA. Uossa ais avantman üna dumonda da sponsur pell'occurrentza. Il Cussagl deciderà lasupra a chaschun da sia prosma sezzüda.

639 VARIA

Beamaint Posta / aboccamaint culs respunsabels dal Turissem Sent

Il Capo, Albert Mayer, dà ün'orientaziun sur da la sezzüda chi d'eira gnüda salvada culs respunsabels dal Turissem Sent per trattar la fatschenda a regard il local previs da la TESSVM e quel sü Schigliana.

L'actuar:
Marco Fallet

Il Capo:
Albert Mayer

Las trattativas nr. 629 e 630 nu vegnan publichadas, causa cha quellas nu sun amo madüras pella publicaziun (cas da fabrica).